

**LAPORAN TAHUNAN**

**2016**

**ANNUAL REPORT**

***Jabatan Alam Sekitar Negeri Sarawak***

*Kementerian Sumber Asli dan Alam Sekitar Malaysia*

---

***Department of Environment***

*Ministry of Natural Resources and Environment*



# ISI KANDUNGAN

<i>BAB 1</i>	<i>PENDAHULUAN</i>	<i>.....</i>	<i>Muka Surat 5</i>
<i>BAB 2</i>	<i>BAHAGIAN PENTADBIRAN DAN KEWANGAN</i>	<i>.....</i>	<i>Muka Surat 15</i>
<i>BAB 3</i>	<i>BAHAGIAN PENGUATKUASAAN</i>	<i>.....</i>	<i>Muka Surat 27</i>
<i>BAB 4</i>	<i>PENGAWASAN</i>	<i>.....</i>	<i>Muka Surat 71</i>
<i>BAB 5</i>	<i>BAHAGIAN PEMBANGUNAN</i>	<i>.....</i>	<i>Muka Surat 94</i>

## PERUTUSAN PENGARAH



Assalamualaikum Warahmatullahi Wabarokatuh, Salam Sejahtera dan Salam 1 Malaysia.

Alhamdulillah, syukur ke hadrat Ilahi di atas izin dan limpah kurniaNya Laporan Tahunan Jabatan Alam Sekitar Negeri Sarawak 2016 telah dapat diterbitkan.

Laporan ini diterbitkan bertujuan untuk melaporkan kepada masyarakat umum amnya tentang fungsi, aktiviti dan pencapaian Jabatan Alam Sekitar Negeri Sarawak sepanjang tahun 2016. Selari dengan Visi dan Misi Jabatan ini, JAS Negeri Sarawak meneruskan mandat yang diberi untuk mentadbir dan menguatkuasakan Akta Kualiti Alam Sekeliling 1974 dan peraturan-peraturan di bawahnya.

Penekanan yang berterusan diberikan di dalam usaha untuk mencegah dan mengawal pencemaran alam sekitar seiring dengan pembangunan dan pertumbuhan ekonomi yang semakin pesat kerana tanggungjawab terhadap kepentingan alam sekitar di masa akan datang akan lebih mencabar. Pelbagai inisiatif baru juga dilaksanakan oleh JAS Sarawak seperti penguatkuasaan secara *Guided Self-Regulation (GSR)* terhadap pihak industri sebagai salah satu usaha dalam meningkatkan pematuhan di kalangan industri di Sarawak. Selain itu, JAS Sarawak juga menjalankan pemantauan kualiti udara, air sungai, air marin dan air bawah tanah.

Di samping itu, perlindungan alam sekitar terus giat dipromosi dan diterapkan di kalangan industri serta masyarakat melalui penganjuran pelbagai aktiviti dan program bertemakan alam sekitar seperti sambutan Hari Alam Sekitar Negara (HASN), sambutan Hari Bumi, sambutan Hari Ozon Sedunia, ceramah alam sekitar, pameran dan lain-lain.

Semoga laporan tahunan ini dapat dijadikan rujukan yang berguna ke arah pendidikan alam sekitar dan meningkatkan kesedaran awam terhadap tanggungjawab bersama menjaga dan memulihara alam sekitar. Akhir sekali, tahniah dan syabas diucapkan kepada semua pihak yang telah terlibat dalam menjayakan penerbitan Laporan Tahunan Jabatan Alam Sekitar Negeri Sarawak 2016.

Wassalam.

***“PEMULIHARAAN ALAM SEKITAR, TANGGUNGJAWAB BERSAMA”***

***“NEGARAKU, ALAM SEKITARKU”***



**Hajah Azuri Azizah Binti Haji Saedon**

Pengarah

Jabatan Alam Sekitar Negeri Sarawak

# BAB 1

PENDAHULUAN

DASAR ALAM SEKITAR

VISI

MISI

OBJEKTIF

FUNGSI

STRATEGI

PIAGAM PELANGGAN

## **PENDAHULUAN**

Jabatan Alam Sekitar Negeri Sarawak (JAS Sarawak) ditubuhkan pada tahun 1981 dan dipertanggungjawabkan dengan tugas pemuliharaan alam sekitar ke arah pembangunan lestari, selaras dengan kepesatan pembangunan Negeri Sarawak. Bagi memantapkan lagi pengurusan alam sekitar, maka pejabat JAS Cawangan Bintulu dan JAS Cawangan Miri telah ditubuhkan pada 2 Januari 2001 serta JAS Cawangan Sibu pada 18 Ogos 2003.

Bersesuaian dengan fungsi sebagai agensi yang menguatkuasakan Akta Kualiti Alam Sekeliling, 1974 (Akta 127) bagi mengawal pencemaran alam sekitar, pelaksanaan aktiviti dan program alam sekitar di Negeri Sarawak adalah berlandaskan kepada konsep pembangunan lestari yang mengutamakan keseimbangan pembangunan fizikal di samping keperluan pemuliharaan alam sekitar.

Dari segi struktur pentadbiran, JAS Sarawak diketuai oleh seorang Pengarah, C54 dan dibantu oleh Ketua Penolong Pengarah Kanan, C52 (Operasi) dan Ketua Penolong Pengarah, C48 (Pembangunan) serta tiga Ketua Cawangan, C44.

## **DASAR ALAM SEKITAR**

Pengurusan alam sekitar di Malaysia mula berkuatkuasa berikutan pewartaan Akta Kualiti Alam Sekeliling, 1974 (Akta 127) pada 14 Mac 1974 dan disusuli dengan penubuhan agensi Bahagian Alam Sekitar pada tahun 1975, dan seterusnya pembentukan Jabatan Alam Sekitar pada tahun 1983. Selaras dengan kepesatan pembangunan negara maka Dasar Alam Sekitar Negara (DASN) telah diperkenal dan digubal pada tahun 2002 dengan menggabungkan tiga elemen pembangunan lestari iaitu pembangunan ekonomi, sosial dan budaya di samping pemuliharaan alam sekitar.

Dasar Alam Sekitar Negara (DASN) telah diperkenalkan berasaskan kepada pendekatan kemajuan ekonomi, sosial dan budaya serta peningkatan kualiti hidup rakyat Malaysia. Ianya digubal dengan penggabungan kesejahteraan alam sekitar dan

pembangunan lestari di bawah lapan prinsip mengharmonikan matlamat pembangunan ekonomi tanpa mengabaikan kepentingan alam sekitar. Lapan prinsip DASN adalah:-

1. Pengawasan Alam Sekitar
2. Pemuliharaan Ketahanan dan Kepelbagaian Alam
3. Peningkatan Berterusan Kualiti Alam Sekitar
4. Penggunaan Lestari Sumber-Sumber Asli
5. Membuat Keputusan Bersepadu
6. Peranan Sektor Swasta
7. Komitmen dan Kebertanggungjawaban
8. Penyertaan Aktif dalam Masyarakat Antarabangsa

#### **VISI**

***“Pemuliharaan Alam Sekitar Untuk Kesejahteraan Rakyat”***

#### **MISI**

***“Memastikan Pembangunan Lestari Di Dalam Proses Memajukan Negara”***

## **OBJEKTIF**

Objektif berikut telah ditetapkan oleh JAS Sarawak bagi memastikan keberkesanan pengurusan alam sekitar di Negeri Sarawak iaitu:-

- Mempertingkatkan pemuliharaan dan memperbaiki keadaan kualiti alam sekitar sedia ada yang meliputi segmen udara, air, air laut dan tanah;
- Memberikan fokus pengurusan dan kawalan pencemaran bermula dari puncanya;
- Mencegah masalah alam sekitar daripada berbangkit dengan memastikan pemaju mengambilkira semua faktor-faktor alam sekitar dalam perancangan dan pelaksanaan dasar, program dan pelan projek-projek pembangunan; dan
- Mempertingkatkan hubungan dan kerjasama dengan agensi Kerajaan Negeri dan Persekutuan dalam usaha memulihara, mengawal dan mencegah kemerosotan kualiti alam sekitar di Negeri Sarawak.

## **FUNGSI**

JAS Negeri Sarawak telah memberikan penekanan kepada fungsi-fungsi berikut di dalam usaha mencapai objektif yang telah ditetapkan:-

- Mempertingkatkan penguatkuasaan Akta Kualiti Alam Sekeliling, 1974 dan peraturan-peraturan di bawahnya;
- Memproses Laporan Penilaian Kesan Kepada Alam Sekeliling (EIA);
- Meneruskan program-program pengawasan kualiti alam sekitar yang meliputi segmen udara, air sungai, air bawah tanah dan air laut serta perairan pantai;
- Menerapkan input-input alam sekitar dalam penilaian kesesuaian tapak dan permohonan kelulusan bertulis bagi pemasangan alat pembakaran bahan api dan alat-alat kawalan pencemaran; dan
- Melaksanakan program-program pendidikan dan promosi kesedaran alam sekitar.

## **STRATEGI**


Berikut adalah strategi atau pendekatan yang diambil oleh JAS Negeri Sarawak bagi memastikan kualiti alam sekitar dapat diperbaiki dan dipelihara:-

- Melaksanakan program kawalan dan pencegahan pencemaran;
- Memberikan penekanan terhadap program pendidikan dan promosi kesedaran alam sekitar kepada orang awam dan golongan pelajar;
- Mengadakan kerjasama erat dengan agensi-agensi Persekutuan dan Negeri di dalam pengurusan alam sekitar selain terlibat secara aktif di dalam Jawatankuasa Penyelarasan Perindustrian Peringkat Negeri Sarawak;
- Mempertingkatkan keupayaan untuk mengenalpasti punca-punca pencemaran dan membangunkan pangkalan data yang lebih komprehensif dan sistematik; dan
- Menjalankan aktiviti pemantauan pencemaran alam sekitar melalui udara dan rondaan darat.

Keluasan Negeri Sarawak : 124, 449.5 km<sup>2</sup>

Jumlah Bahagian : 12 Bahagian

Jumlah PBT : 26



Peta 1.0: Lokasi pejabat JAS di Negeri Sarawak

## STRUKTUR PENTADBIRAN



Rajah 1.0: Struktur pentadbiran JAS Negeri Sarawak

## PIAGAM PELANGGAN

Misi Perkhidmatan Pelanggan:-

***“Pemuliharaan Alam Sekitar Tanggungjawab Bersama”***

### Kelulusan Perancangan

Kebenaran Bertulis: Premis Yang Ditetapkan (Buangan Terjadual)	..... 3 Minggu
EIA Jadual Pertama (Prosedur Lengkap)	..... 5 Minggu
EIA Jadual Kedua (Lengkap)[Ibu Pejabat JAS]	..... 12 Minggu
Penilaian Awal Tapak (Kilang BARU)	..... 2 Minggu

### Pengeluaran Lesen / Kelulusan

Premis Perolehan Kembali Luar Tapak Buangan Terjadual (Lesen BARU)	..... 2 Minggu
Premis Perolehan Kembali Luar Tapak Buangan Terjadual (PEMBAHARUAN Lesen) <ul style="list-style-type: none"><li>• Pemohon Hadir</li><li>• Melalui Pos</li></ul>	..... SERTA MERTA ..... 1 Minggu
Mengeksport Buangan Terjadual [Ibu Pejabat JAS]	..... 5 Minggu
Mengimport Buangan Terjadual [Ibu Pejabat JAS]	..... 3 Minggu
Mengimport/Mengeksport Bahan Kimia Kawalan Konvosyen Rotterdam [Ibu Pejabat JAS]	..... 4 Minggu
Pengurusan Khas Buangan Terjadual [Ibu Pejabat JAS]	..... 4 Minggu
Kilang Getah Asli Mentah (Lesen BARU)	..... 2 Minggu

Kilang Getah Asli Mentah (PEMBAHARUAN Lesen) <ul style="list-style-type: none"> <li>• Pemohon Hadir</li> <li>• Melalui Pos</li> </ul>	..... SERTA MERTA ..... 1 Minggu
Kilang Kelapa Sawit (Lesen BARU)	..... 2 Minggu
Kilang Kelapa Sawit (PEMBAHARUAN Lesen) <ul style="list-style-type: none"> <li>• Pemohon Hadir</li> <li>• Melalui Pos</li> </ul>	..... SERTA MERTA ..... 1 Minggu
Kelulusan Jenis Kenderaan Petrol/Diesel/Motosikal [HQ]	..... 4 Minggu

### Penguatkuasaan

Aktiviti Penguatkuasaan Akta Kualiti Alam Sekeliling 1974	..... Berterusan, Pematuhan Maksima, Tegas, Adil
Keluar KOMPAUN	..... SERTA MERTA / 1 Minggu
Kes Tindakan MAHKAMAH Difailkan Dari Tarikh Kesalahan/Siasatan	..... 6 Bulan

### Pengaduan Awam

Penyaluran dan Akuan Terima Kes ke Pejabat JAS Negeri/Cawangan Agensi lain	..... SERTA MERTA
Maklumbalas Status Aduan Kepada PENGADU	..... Kurang 2 Minggu
Penyelesaian Kes Aduan Pencemaran	..... 3 Hingga 30 Hari
Penyaluran Kes Aduan Tumpahan Minyak dan Pelupusan Haram Buangan Terjadual ke Pejabat JAS Negeri/Cawangan/Pusat Penyelarasan Penguatkuasaan Marin	..... SERTA MERTA

## Perhubungan Awam

Layan Hormat dan Bersopan	..... SERTA MERTA / 5 Minit
Temujanji atau Perubahan	..... Mengikut Masa
Maklumbalas Permohonan Bertulis Data/Maklumat Kualiti Alam Sekeliling	..... 2 Minggu

## Pengurusan Kewangan

Pungutan Hasil dan Pengeluaran Resit	..... SERTA MERTA
Bayaran Bil	..... 14 Hari